

U meyajil u bin u jatsaljatsta'al u yéeybalil México

Ti' u Noj Lu'umil Méxicoe' le kajnáalo'obo' ku yéeyiko'ob yéetel jump'éeel ju'un tu'ux ku ts'íibtiko'ob máax u k'áato'ob ku jala'achinto'ob yéetel máax ku bisik u t'aano'ob. Le ba'alo'ob je'ela' ku ye'esiko'ob bey jump'éeel u chiikul yéeybajil jala'achil tu'ux jaats'al le múuk'ilo'ob, U Noj Páajtalil Jala'ach, U Noj páajtalil A'almajt'aan yéetel Noj Páajtalil P'is Óolal. Noj jala'ache' u kúuchil tu'ux ku tsikbalta'al yéetel ku beeta'al a'almajt'aailno'ob in noj lu'umo'ona'; ku beetpajal yéetel Pat a'almajt'aan yéetel Ajjets' a'almajt'ano'ob. Ajjets' a'almajt'aano'obo' leti'ob máaxo'ob ku t'aan yo'olal kaaj tu táan U noj mola'ayil México yéetel ku yéeyalo'ob ichil óo'oxp'éeel ja'ab.

Ti' jump'éeel kaaj tu'ux jáalk'ab u tuukul máako'obe' je'el bix México, u yéeyaj tuláakal u kajnáalilo'obe' jump'éeleili' u kuuch. Uti'al u béeykusa'ale' lekéen yéeya'ak le Pat a'almajt'aano'obo' le lu'uma' ja'ajatsa'al ichil kóostsmankóots yéeytambal lu'umo'ob tu'ux unaj u p'áatal keet le jaytúul máaxo'ob kaja'ano'obo'. Beytúuno', juntúul Pat a'almajt'aano'obo' unaj keet le máaxo'ob ku bisik u t'aano'obo'. Ti' le xóoxot'lu'umilo'oba' ku k'aabatik U Jatsaljaatsil yéeybal, je'el u k'éexel buka'aj u nojochile', chéen ba'ale' le jaytúul máako'ob kaja'ane' unaj kéet.

U Noj A'almejen Noj A'lamajt'aanil U Múuch' Noj Lu'umil México ku ya'alike' le noj lu'umila' ku xóot'ol ichil 300 u jats'aljaatsil yéeybal. Tu'ux ku yéeya'al juntúul ajjets' a'almajt'aan noj lu'um. Beeyxan Noj A'almajt'aanoil le péetlu'umo'obo' ku jets'iko'ob jaytúul Pat a'almajt'aano'ob unaj u yéeya'al, lela' yaan ba'ax u yil yéetel jayp'éeel jatsaljaatsil yéeybal yaan.

Ba'ax jump'éeel jatsaljaatsil yéeybal

Jump'éeel jatsaljaatsil yéeybale' junxoot' lu'um tu'ux ku cha'ajbal uti'al u t'óoxol keet u kajnáalilo'ob le noj lu'umil Mexico wa ti' jump'éeel péetlu'um, uti'al beyo' lekéen jóok'sa'ak

le Pat a'almajt'aano'bo' yéeybil u beeta'alo'obo' ka páajchajak u yantal keet le kajnáalo'ob yaan te xóot'lu'umo'.

Ba'ax le u jatsaljaatsta'al le lu'um uti'al le yéeybalo'

Le meyajil ku beetik U Mola'ayil Yéeybal way Méxicoe' (INE), uti'al u ya'alik tak tu'ux ku náakal u lu'umil jump'éeel u jats'aljaatsil yéeybal ti' in noj lu'umilo'on wa ti' tuláakal le péetlu'umilo'obo'.

Ba'ax u beelal


Uti'al u béeychajal u t'oxpajal ma'alo'ob u kajnáalilo'ob jump'éeel jatsaljaatsil yéeybal, u yantal máax bisik u t'aan kajnáal keet ti' tuláakal u noj lu'umil México, yéetel beyo' ku beetiko'ob u páajtalil u yéeyaj tuláakal máake' keettak.

Ba'axten k'abéet u t'o'oxol le jatsaljaats yéeybalil

Le u t'o'oxol jatsaljaats yéeybalo'ob k'abéet tumen u kajnáalilo'ob junxóot'lu'umile' seeb u k'éexel. Yaan máako'ob ku síijilo'ob, yaane' ku kíimilo'ob yéetel uláako'ob'e ku bino'ob kajtal táanxelil, le ba'al je'ela' ku beetik u p'áatal u jatsaljaatsil yéeybale' jump'iit wa u ya'abtal u máakilo'ob lekéen máanak ja'abo'obe' ichil le jatsaljaats yéeybalo'obo'. Le o'olaltúune' u xak'alta'al mantats' ka yanak keet jaytúul máako'ob kaja'ano'ob ichil jump'éeel jats'aljaats yéeybalil.

Ba'ax u chuunt'aanilo'ob u jatsaljaats yéeybalil

Uti'al u yila'al bix ku p'áatal u jatsaljaatsil yéeybale' ku kanáanta'al ka p'áatal keettak le jaytúul máako'ob kaja'ano'obo', ichile' ka' p'áatak chúuka'an jump'éeel méek'tankaajili', le bix ku p'áatalo' unaj ye'esik jump'éeel wíinkilal oochel, ka yanak bix u máan máak ichil, yéetel ka chíikpajak xan ba'axo'ob seten talamil yaan te xóot'lu'umilo', beeyxan ka p'áatak jump'éeelili' le méetankaajo'ob tu'ux yaan máasewáal uti'al beyo' u táakpajalo'obi' ti' le almejentuukulo'.



Ba'ax k'iin yéetel bix u beeta'al

Ti' u ja'abilo'ob 2016 yéetel 2017 le INEo' yaan u beetik jatsaljaatsil yéeybalo'ob ti' Noj Lu'um yéetel ti' u péetlu'umilo'ob Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco y Yucatán.

Ichil le péetlu'mo'obo' ku beeta'al múuch'táambalo'ob uti'al le INEo' u ye'esik u meyajil u jatsaljaatsta'al yéeybalil tu táan le kúuchilo'ob máasewáal bisik u t'aano'bo', máaxo'ob ku bin tu yo'olal le almejen mola'ayo'obo', u jala'achil péetlu'um yéetel méek'táankaajo'ob, Pat a'almajt'aan péetlu'um, máaxo'ob u núuktakil yéeytáambal péetlu'um yéetel noj lu'um yéetel tuláakal máak.

Lekéen xak'alat'ak u meyajil u jatsaljaatslata'al yéeybal ti' le xóot'lu'umo'ob tu'ux yaan máasewáal kaajo'obo', le INEo' yaan u bisik jump'éeel k'aat chi' ti' le Máasewáal kaajo'ob uti'al beyo' u yojéeltiko'ob ba'ax ku tukultiko'ob ti' u yo'ola bix je'el u béeytal u t'o'oxolo'ob ichil jump'éeel jatsaljaats yéeybale, yéetel xan u yiliko'ob tu'ux je'el u jéets'el u chuun tu'ux ku táakpajalo'.

Máaxo'ob ku táakpajalo'ob

Ku táakpajalo'ob ti' u tsikbalil máaxo'ob taasik u t'aan almejen mola'ayo'ob, u jala'achil péetlu'umo'ob yéetel méektankaajo'ob, u ajjets' a'almajt'anil péetlu'um, máaxo'ob

jo'olpesik yéeytáambal péetlu'um yéetel ti' u noj lu'umil México, kaaj yéetel máasewáal kaajo'ob yéetel xan tuláakal máak.

Ba'ax k'iin yéetel bix ku beetbil le k'áat chi'a'

Ku beeta'al meyajo'ob tu'ux ku tsikbalta'al le jatsaljaats yéeybala', beyxan ku much'kíinsa'al máaxo'ob bisik u t'aan kaaj yéetel kaajtalil máasewál kaajo'ob ti' le jeejeláas péetlu'umo'obo'. Ti' le kúuchilo'oba' yaan u tso'olol bix kun much'bil le máasewáal kaajo'ob ichil le jatsaljaats yéeyba'obo' yéetel yaan u ts'aabal u páajtalil u yiliko'ob uti'al u ya'aliko'ob ba'ax ku tukultik yéetel bix p'átik le jatsaljaatsil yéeybalo'.

Lekéen ts'o'okoke' le máaxo'ob bisik u t'aan máasewáal kaajo'obe' yaan u túuxtik ba'ax ku tukultiko'ob ti' INE ichil u múuch'il péetlu'umo'ob yéetel jatsaljaats yéeybalo'ob ti' tuláakal le péetlu'umo'obo'. Lekéen ts'o'okok u meyajil le jatsaljaats yéeybalo'ob yéetel u k'áat chi' máasewáalo'obe', le INEo' yaan u ts'áajik u yojeltik ti'le kaajo' bix p'áatik u túumben jatsaljaats yéeybalo'ob péetlu'um, lekéen ts'o'okoke' yaan u beeta'al u jeel meyaj uti'al u ya'ala'al bix kun p'aa'tal le tumben jatsaljaats yéeybalo'ob ti' le noj lu'umil México.

Uti'al u beetchajal uts le k'áatchi' ti' máasewáal kaajo'obe', le INEo' yaan u yáanta'al tumen U Mola'ayil máasewáal t'aano'ob (INALI), yéetel béeyxan U Mola'ayil máasewáal kaajo'ob (CDI).

Máaxo'ob ku táakpajal ti' le k'áat chi'a'

Le kaajnáalo'ob yéetel máasewáal kaajo'ob yéetel le máaxo'ob bisik u t'aan yéetel u jala'achilo'ob.

¡sáasilkúuntej! ikil u táakpajal tuláakale' Méxicoe' ku líik'il. ¡Nats'abáaj!